



Inatsisartut suleriaasiat § 33 immikkoortoq 1 naapertorlugu matumuuna inatsisartunut aalajangiiffigisassatut siunnersuut imaattoq saqqummiuppara.

Meeqqat inuusuttuaqqallu 18-t inorlugit ukiullit ikiaroonartumik atuilersimasut katsorsartinnissaannik immikkut ittumik neqeroorsinnaanissamik Naalackersuisut UKA2018-mut pilersaarusiornissaannik Inatsisartut aalajangiiffigisassaattut siunnersuut.

(Inatsisartunut ilaasortaq Bendt B. Kristiansen, Inuit Ataqatigiit)

Tungavilersuut

Ukiuni kingullerni annertuumik oqallisigiuartakkatta ilagaat ikiaroonartumik atornerluinerup annertusiartornera, taamatullu aamma atornerluisut ukiukilliarornerat.

Maanna Naalackersuisut 'Hashi akiorniarlugu nuna tamakkerlugu iliuusissatut pilersaarut' januar-imi saqqummiussaata paasisitsiniianeq aallaavigalugu annertusisamik suliniarnerat assut iluarisimaarnarpoq, ilaatigut siunnersuisarfiit Allorfik'-tut ittut pisariaqartilluinnakkagut pilersiortorneqalerneru iluarinarlutik, taamaattoq isumaqarnarpoq suliniutit katsorsaanermit sammisut inuusuttuaqqat 18-nit ataallugit ukiullit taakkualu avatangiisaat aallaavigalugit katsorsaariaatsit ineriartortillugillu annertusartariaqarigut.

Misissuisimanagerit takutippaat inuusuttuaqqat qarasaasa suli inerilluannginneranni hashimik atuneq aallartissimappat qaratsamut ataavartumik ajoqusernermik kinguneqarsinnaasoq, tamannalu inuunerup ingerlanerini ajornartorsiutinut assigiinngittunut aporfeqartitsisarmat aamma takussutissaqartoq, ilaatigullu ilinniartut ilinniakkaminnik unitsitsiinnartarnerini peqquataaqataasut ilagalugu taamatullu suliffimmik tigumminiinnarsinnaanermik ajornartorsiutini takussutissaalluni.

Taamaattumik Inuit Ataqatigiit isumaqarpugut meeqqat inuusuttuaqqallu 18-nit ataallugit ukiullit ikiaroonartumik atuisuusut paasineqartillugu ilaqutariit tamarmiusut avatangiisaat aallaavigalugit piaarnerpaamik katsorsartinnissaannik neqerooruteqarnissamik Naalackersuisut iliuusissamik pilersaarusiornissaannik Inatsisartunit piumaffiqeqassasut.

Kissaatigaarput immikkut ittumik suliniuteqarnissaq ikiaroonartumut akiuinissamut pilersaarummut tamakkiisumut ilanngullugu suliarineqassasoq.

Pisortaqarfinnut aningaasaqarnikkut allaffissornikkullu kingunissat

Naatsorsuutigineqassaaq pilersaarusiornissaq allaffissornikkut ukiup ¼-nik sivissuseqassasoq 125.000 kr.-t nalinganik.

Aningaasaqarnikkut allaffissornikkullu inuussutissarsiorunut namminersortunut kingunissai

Pilersaarusiornierup nalaani soqanngilaq

Aningaasaqarnikkut allaffissornikkullu innuttaasunut kingunissai

Pilersaarusiornierup nalaani soqanngilaq